

Deizioù

Festival breton au coeur de l'hiver
Tommdar ar Brezhoneg e-kreiz ar goañv

Donemat evit an Deizioù, festival Breizh e-kreiz ar goañv

Bep blez e-kreiz ar goañv, a-c'houde 1985, e laka bec'h kannadourion sevenadur Breizh evit kinnig e-leizh a abadennoù digor d'an holl er lod muiañ ag ar 25 kumun ag an tolpad.

Etre miz Genver ha kreiz miz Meurzh e vo an Deizioù, kenurzhiet ha lusket gant Emglev Bro an Oriant hag a vod tri-ugent krevredigezh vreizhek a Vro an Oriant « *a zo o fal brudiñ sevenadur ar vro dre ar bagadoù, ar c'hentelioù brezhoneg, ar lazou-soniñ, strolladoù sonerion...* », eme Ivonig ar Merdi, prezidantez an Emglev. Ar festival kentañ, e 1985, a oa bet aozet e-pad un dibenn-sizhun. Tamm-ha-tamm, ouzhpenn ar c'hevredigezhioù ezel, ec'h eus bet skoulmet emglevioù gant avedurioù publik, salioù arvestoù, mediaouegoù, kumunioù... Bremañ, tregont vlez ar-lerc'h, e kinniger 150 abadenn : sonadegoù, festoù-noz, atalieroù brodiñ, keginiñ, dañsal, arvestoù, diskouezadegoù, predegennoù, kenstrivadegoù, stajoù, teatr...

Pep framm, ha bout ma n'emañ ket en Emglev, a c'hell kinnig aozioù un abadenn e-pad ar prantad-se, dre enskriviñ diouzhtu e lec'hienn Internet an Emglev, adal ma vo stag an abadenn-se doc'h sevenadur Breizh. Darn a vediaouegoù ha salioù arvestoù Bro an Oriant zo daet a-barzh an taol hag abadennoù ha sonadegoù zo bet programmet gante. Evit derc'hel da ginnig muioc'h-mui a draoù bep blez e vez kantadoù a dud a-youl-vat doc'h ar stern ha tud dibar e bed sevenadur Breizh é keveliñ gant ar festival. En o mesk, er blez-mañ, e tay an douaroniour Yves Lebahy, ar sorbiennour Lucien Gourong, ar ganourez Clarisse Lavanant, hag evit ar re vihan, ar c'haner Jean-Luc Roudaut, ha tud arall c'hoazh.

Goude Plañvour hag Henbont e vo tro Kewenn da zigoriñ ar festival er blez-mañ. Kement ha lakaat ar-wel razh ar c'humunioù a-barzh an taol e vez aozet ul lid-digoriñ en ur gumun disañval bep taol. « *Pep kumun, bras*

Hiver : Goañv
Culture bretonne : Sevenadur Breizh
Animations : Abadennoù
Associations : Kevredigezhioù
Promouvoir : Brudiñ
Langue bretonne : Brezhoneg
Chorale : Laz-kaniñ
Musique : Sonerezh
Spectacles : Arvestoù
Médiathèques : Mediaouegoù
Communes : Kumunioù
Concerts : Sonadegoù
Broderie : Broderezh, Brodiñ
Cuisine : Keginerezh, Keginiñ
Conférences : Predegennoù
Stages : Stajoù
Théâtre (l'art) : Teatr
Théâtre (le lieu) : C'hoariva
Bénévoles : Tud a-youl-vat
Inauguration : Lid-digoriñ
Faïencerie : Feilhañserezh

ha bihan, a c'hell kemer perzh en Deizioù, an dra-se zo dibar gant an Deizioù, eme Ivonig ar Merdi. E 2016, da skouer, e oa bet Mediaoueg Rianteg é kinnig un diskouezadeg a-ziar ar stilour ha broder Pascal Jaouen e Maner Kerdurant, un taol-kaer hag a oa padet hiroc'h zoken. » Ur bariadenn e oa, mes er blez-mañ ar re e tay Rianteg a-benn da ginnig un diskouezadeg a-ziar ar feilhañserezh Henriot e Kemper. ■

Ar programm a-bezh en emglevbroanorient.bzh

Vous trouverez la traduction de cet article sur le site www.lorient-agglo.bzh